



Adresa: **Ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726-444
fax. +387 33 726-423
e – mail: info@voda.ba

Broj: UP-1/21-1-40-568-3/22
Datum: 10.11.2022.godine

«Agencija za vodno područje rijeke Save» Sarajevo rješavajući po zahtjevu «Agencije za vodno područje rijeke Save» Sarajevo podnesenom putem «Sektora za realizaciju investicionih projekata», za izdavanje prethodne vodne saglasnosti za čišćenje lijeve obale rijeke Usore u naselju Kalošević, općina Tešanj, na osnovu člana 109. stav (1) tačka 14., a u vezi sa članom 81. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22) **donosi**

R J E Š E N J E **o prethodnoj vodnoj saglasnosti**

1. Investitoru, «Agenciji za vodno područje rijeke Save» Sarajevo daje se prethodna vodna saglasnost za čišćenje materijala uz lijevu obalu korita rijeke Usore u naselju Kalošević u ukupnoj dužini 400,0 m, na lokalitetu gdje je korito rijeke Usore paralelno sa JP Šumarija (lokalitet 3), a u cilju poboljšanja uslova tečenja i sprječavanja štetnog djelovanja voda.
2. Prethodna vodna saglasnost se daje na osnovu pregleda projektne i druge dokumentacije dostavljene od strane podnosioca zahtjeva i pod sljedećim uslovima:
 - 2.1. Izraditi i revidovati investiciono - tehničku dokumentaciju na nivou potrebnom za pribavljanje odobrenja za građenje u skladu sa propisima koji važe za ovu vrstu radova, a koja treba da je urađena i revidovana od strane ovlaštenih pravnih lica sa liste «A» u skladu sa odredbama Pravilnika o uslovima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH», broj 17/08 i 38/12).
 - 2.2. Projektnom dokumentacijom treba da se obuhvati tehničko rješenje čišćenja korita u cilju obezbjeđenje proticajnog profila rijeke Usore tj sprječavanja/umanjenja štetnog djelovanja voda i poboljšanja hidromorfološkog stanja vodotoka i dinamike prirodnog procesa tečenja na predmetnom lokalitetu, a projekat između ostalog treba sadržavati:
 - Situativni prikaz razmjere 1:1000 ili detaljnije sa ucrtanim lokalitetom čišćenja i uređenja korita rijeke Usore na ažurnoj geodetskoj podlozi (ne starijoj od tri mjeseca) kao i uzdužnim i poprečnim profilima riječnog korita urađenim na bazi geodetskih snimanja koja će se provesti za potrebe izrade ove projektne dokumentacije. Snimanje izvesti preko operativnog poligonog vlaka uz povezivanje sa državnim nivelmanom sa osiguranjem krajnjih tačaka poprečnih profila na terenu trajnim biljegama (uz položajni opis i nacrt), preko kojih će se vršiti kontrola realizacije ovih radova;
 - Na rastojanju od prosječno 50 m snimiti i u odgovarajućoj razmjeri prikazati poprečne profile sa stabiliziranjem i obilježavanjem bočnih tačaka, sa dovoljnom dužinom u zaobalju, te dovoljnim brojem tačaka u koritu;
 - Tehnički opis rješenja načina uređenja i čišćenja korita te uklanjanja nanosa iz korita rijeke Usore, uz detaljno obrazloženje rješenja i pojašnjenje efekata izvođenja radova, predmjer radova, tehničke uslove izvođenja radova i odgovarajuće grafičke priloge uobičajene za nivo projekta za građenje;
 - Predmjerom radova utvrditi količine materijala (pijesak, šljunak) koje će se izvaditi iz korita rijeke Usore, a koji se može dalje iskoristiti, te materijala koji treba ukloniti (smeće, mulj, kruti otpad, balvani, šiblje, i dr). Bilans masa uraditi na osnovu ažurnih geodetskih podloga;
 - Geometrijske karakteristike korita (širina, dubina, osovina i sl.), njegov položaj i veličinu usaglasiti sa prirodnim stanjem korita;
 - Zahvati na čišćenju/uređenju korita rijeke Usore moraju uvažiti postojeće imovinsko - pravne odnose i radove svesti u pojas kojim će se najmanje narušiti privatni posjedi i parcele;
 - U zavisnosti od utvrđenog kvaliteta i količine izvađenog materijala iz korita rijeke Usore,

definirati način i mjesto odlaganja odnosno daljeg korištenja;

- - Prilikom definiranja načina izvođenja radova na predmetnim lokalitetima uvažiti postojeće stanje korita, morfologiju terena, geološki sastav korita, sigurnosni aspekt i sl.;
 - Projektna dokumentacija treba da bude urađena na zakonski zahtjevanom nivou za ovu vrstu radova i da sadrži sve opće i tehničke elemente propisane zakonodavstvom iz ove oblasti.
3. Materijal koji ima svoju upotrebnu i tržišnu vrijednost i koji se može dalje koristiti (pijesak, šljunak) koji će se pojaviti kod čišćenja korita rijeke Usore na predmetnom lokalitetu a čija će se količina utvrditi u predmjeru radova iz tačke 2.2. alineja 4. ovog dispozitiva, treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka («Službene novine Federacije BiH», broj 58/15).
 4. Po izradi dokumentacije iz tačke 2.1. dispozitiva ovog Rješenja, nosilac prava iz prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti. Zahtjev za izdavanje vodne saglasnosti dostavlja se u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22). Uz zahtjev se, između ostalog, prilaže:
 - Investiciono - tehnička dokumentacija zahtijevana tačkom 2.1. ovog Rješenja,
 - Rješenje o urbanističkoj saglasnosti za predmetnu dionicu uređenja/čišćenja rijeke Usore,
 - Dokaz o riješenim pitanjima imovinsko – pravnih odnosa na prostoru na kome će se izvoditi radovi, na trasi pristupnog puta do lokacija planiranih za čišćenje i do lokacija za deponovanje kao i na samoj lokaciji za deponovanje izvađenog materijala,
 - Saglasnost udruženja sportskih ribolovaca općine Tešanj na termine provođenja radova na predmetnom uređenju i čišćenju korita rijeke Usore.
 5. Ukoliko nakon izdavanja prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, u roku utvrđenom u članu 111. stav 3. Zakona o vodama, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
 6. Ovu prethodnu vodnu saglasnost Investitor će koristiti u postupku ishodovanja urbanističke saglasnosti i ona definiše sve uslove koje projektna dokumentacija, koja se podnosi u postupku dobivanja vodne saglasnosti i građevinske dozvole, treba ispuniti sa aspekta voda u skladu sa Zakonom o vodama.
 7. Prethodna vodna saglasnost se daje sa rokom važenja od tri (3) godine od dana pravosnažnosti ovog rješenja.

O b r a z l o ž e n j e

Investitor «Agencija za vodno područje rijeke Save» Sarajevo, putem «Sektora za realizaciju investicionih projekata» Agencije, je podnio zahtjev za izdavanje prethodne vodne saglasnosti za aktivnost čišćenje lijeve obale rijeke Usore u naselju Kalošević (lokalitet 3), općina Tešanj.

Uz zahtjev je dostavljena i pregledana slijedeća dokumentacija:

- Kopija Aktuelnog izvoda iz sudskog registra Općinskog suda u Sarajevu, broj: 065-0-RegZ-14-002716 od 21.04.2014. godine izdato od strane Općinskog suda u Sarajevu,
- Kopija obavještenja o razvrstavanju pravnog lica prema klasifikaciji djelatnosti, broj: 07-32.5-45391/12 od 11.12.2012. godine, služba za statistiku za područje Kantona Sarajevo,
- Kopija uvjerenja o poreznoj registraciji, Porezna uprava FBiH - Kantonalni porezni ured Sarajevo, od 14.12.2012,
- Elaborat – Uređenje Usore u naselju Kalošević, općina Tešanj, urađen juna 2016.godine od strane «Higracon» d.o.o. Sarajevo.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari. U skladu sa članom 124. stav (1) Zakona o vodama i člana 1. Pravilnika o izmjeni i dopuni pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 41/20) o

predmetnom zahtjevu je dana 26.10.2022. godine, obavještena javnost putem obavještenja u dnevnom listu «Oslobođenje» i na oglasnoj ploči «Agencije za vodno područje rijeke Save» Sarajevo. U datom roku nije bilo pisanih izjašnjenja o aktivnostima iz zahtjeva.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na režim voda i prava na vode dodjeljena drugim korisnicima, podnosiocu zahtjeva su ovim vodnim aktom, u tački 2. dispozitiva rješenja, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata, propisani uslovi koje je dužan da ispuni prilikom izrade projektne dokumentacije koja će Investitoru biti potrebna u postupku pribavljanja vodne saglasnosti i odobrenja za građenje.

U provedenom postupku konstatovano je sljedeće:

Aktivnost za koju je podnesen zahtjev za izdavanje prethodne vodne saglasnosti je za čišćenje materijala uz lijevu obalu korita rijeke Usore u naselju Kalošević u ukupnoj dužini 400,0 m, na lokalitetu gdje se rijeka Usora proteže paralelno sa JP Šumarija (lokalitet 3).

Čišćenje lijeve obale rijeke Usore u naselju Kalošević na predmetnoj dionici obezbjeđuje se proticajni profil, stabilizacija obala i sprječava se štetno djelovanje voda.

Na osnovu priložene tehničke dokumentacije utvrđeno je da se u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava i šteta nastalih erozionim procesima na obalama rijeke Usore u naselju Kalošević, na osnovu člana 109. stav (1) tačka 14., a u vezi sa članom 111. Zakona o vodama i člana 17. stav (1) tačka 9. Pravilnika o o sadržaju, obliku, uslovima, načinu izdavanja i čuvanja vodnih akata, valjalo riješiti kao u dispozitivu ovog rješenja.

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Roksanda Školjić, dipl.ing.građ.

Po ovlaštenju
Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- «Agencija za vodno područje rijeke Save», Sektor 30
- AVP Sava, ISV-vodna knjiga – ovdje
- ⓐ Arhiva – ovdje
- AVP Sava – Oglasna ploča